

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Quæst. XXI. An, pendente lite circa Exemptionem, Exempti eâ gaudere
debeant?

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

QUÆSTIO XVIII.

An Privilegium pereat, eo ipso, quod maximè damnum fiat, vel quod cesset causa, propter quam concessum est?

Dubitandi Ratio circa Primum; Privilegium est Gratia: Gratia autem iusta sit, quando incipit maximum alteri inferre prejudicium.

Ratio dubitandi circa Alterum Quæsum; Cessante causâ cessat effectus.

Ad Primam Questionis Partem Respondeo, C. 9. De Decim. docere, revocandum, vel moderandum Privilegium, quod fit aliis maximè nocivum; loquitur de Privilegio non solvendū Decimas concessō Cisterciensibus, quando rara erant illorum Abbatia, atque etiam pauperes, declaratque illud revocandum, aut saltem moderandum ex eo, quod Abbatia Cisterciensis Ordinis adeò augmentata & ditate fuissent, quod multi Viri Ecclesiastici de Privilegio illo conquererentur. Eā de causâ CONCILII LATERANENSE 1216. C. 34. De Decimis restringit Privilegium illud ad Terras jam acquisitas, quas Religiosi suis manibus aut sumptibus excolabant, volens, ut de Terris postea acquirendis, quo modo illas exculturi essent, Decimas solverent, & de Terris alienis ipsorum manibus vel sumptibus excolendis idem præfarent. Quod præcepit Concilium circa Cistercienses, ad alios Religiosos idem Privilegium Habentes extendit.

Ident Textus ostendunt etiam, quod cessante causa Privilegii non cessat eo ipso Privilegium, cùm ex iis colligatur, quod paupertate Regularium cessante, non cessasset Privilegium solvendi Decimas, cuius causa fuerat præcipua.

QUÆSTIO XIX.

An, si Ecclesia alicuius Civitatis Cathedralis obtineat Exemptionem ab Ordinariâ Jurisdictione, nullâ factâ mentione Exemptionum similiū concessarum plerique Ecclesiæ ejusdem Civitatis, postrema hec censenda sit obreptitia?

Quarendi causa; Rescriptum postrema Exemptionis non potest esse obreptitium, ob omissionem in illo mentionem anteriorum Exemptionum concessarum, in eadem Civitate Cathedrali, si nulla extet Lex, quæ adstringat ad faciendam hujusmodi mentionem; quod sic ostendit potest: Ratio proxima, cur in Secundo Rescripto circa eandem rem, de Primo facienda est mentio, alia non est, quā quia extat Lex, quæ hanc mentionem exigat, & habetur C. 9. 23. De Rescripto. Idemque dicendum de ceteris rebus exprimendis: extant Leges, quæ obligant ad illas exprimendas, ut videre est ex Textibus circa id collectis, dum de Rescriptis egimus. Nulla autem habetur Lex, quæ cogat, ut in postremā Exemptione de similibus aliis obtentis mentione fiat.

Eā tamen non obstante Ratione, Dicendum, quod obreptitia videatur Exemptio, quæ de pluribus aliis similibus concessis in eadem Civitate Cathedrali non meminerit. Hac Sententia infertur ex C. 20. De Rescriptis; docet enim in Rescripto exprimenda, quæ dimovere posunt Summum Pontificem à concedendâ Gratia: avocari autem plurimū potest Summus Pontifex à concedendâ Exemptione, si sciat, jam plures similes concessas esse, in eadem Civitate Cathedrali; cùm præsumendum sit, nolle Episcopum totâ ferè Jurisdictione spoliare in principio Loco Dicecessos, eoque modo illi spem auferre utiliter regendi Dicecessim; nam quæ ab Ecclesiis Civitatis fiunt, trahuntur in exemplum ab Ecclesiis aliorum Locorum; ideoque si Episcopus caruerit potestate reformati Ecclesiæ Civitatis, vix poterit cæteras corrigere. Non ignorant Summi Pontifices, strictè præcipi Episcopis, ut præcipue residenceant in Civitate Cathedrali, quodque ejus præcepti ea mensit, ut suâ præsentia Clerum præcipuum Dioceſeos in officio contineant, idque ab illis præstari non posse, si careant in illum Clerum autoritate.

Exstat ergo Lex, quæ saltem confusè præcipit, ut Rescriptum Exemptionis novissimæ, anteriorum Exemptionum ejusdem generis in eadem Civitate Cathedrali concessarum mentionem faciat; eaque notatu dignior, quod è Ratione Naturali petatur, dicitur enim, ut, qui

Gratiā postulat, non celet, quæ amovere possint ab illius Concessione, ne Gratia non congrua concedatur in Concedentis opprobrium.

QUÆSTIO XX.

An Privilegia alii, quam Concedenti, nociva concedere liceat, non vocatis, quorum interest?

Quarendi causa: Concessio Privilegiorum non est Actus Judicarius, idèque necessarium non videtur, ut Partes vocentur.

Verum non obstat hæc Ratio, quin Dicendum sit, quod non liceat Privilegia concedere, non vocatis, quorum interest. Colligitur hæc Sententia ex eo, quod ad Concessiones aliarum Gratiarum alii, quam Concedentibus, nocivarum, requiritur vocatio eorum, quorum interest, quod patet hæc Inductione.

Inter Gratias hujusmodi collocantur 1. Unio Beneficiorum, utpote Collatori, aliisque Pluribus, ut plurimū nociva. 2. Erectio Parochiarum, Episcopatum, Metropoleon, Primatarum, in alieno Districtu. 3. Aedificatio novorum Monasteriorum in Locis, in quibus extant jam alia. 4. Milliarum Reductio. 5. Alienationes Rerum Ecclesiasticarum. Ideo autem in his omnibus casibus vocandi sunt, quorum interest, quia de præjudicio alieno agitur, ac æquum non est, ut illud inferatur, non auditis iis, quibus inferendum; cùm fieri possit, ut rationes opponendas habeant, quæ à Gratia concedendis dimovant.

Huic Inniuum fundamento CONCILII CONSTANTIENSIS vetat, ne Exemptio ulla concedatur, non vocatis, quorum interest, in Decreto Attendentis SESS. XLII. Eādem de causâ idem prohibet CONCILII LATERANENSE sub LEONE X. SESS. X. aliterque confessas, irritas decernit.

Adducta Exempla solvunt Argumenta opposita, cùm nullum eorum sit Actus Judicarius, & tamen quodlibet requirat vocacionem Partium.

Hinc, si Privilegia non solvendi Decimas, vel percipiendi illas, quæ alii debebantur, concessa sunt, non vocatis, quorum intererat, ab æquitate non nihil recessisse videntur, qui illa concesserunt. Idem dicendum de Exemptionibus datis, vel Monasteriis, vel Capitaliis, à Jurisdictione Episcopi Dicecessani, nec non de iis, quæ concessæ sunt ipsis Episcopis à Jurisdictione Metropolitani, si vocati non fuerint, quorum intererat. Eādem de causâ plurima habemus Exempla Exemptionum à Jurisdictione Episcopi, in quibus expressa sit mentio consensus Episcopi. Quædam refert THOMASS. Part. IV. L. I. C. 53.

QUÆSTIO XXI.

An, pendente lite circa Exemptionem, Exempti eâ gaudere debeant?

Quarendi causa: Si lis non fuerit manifeste iusta, Exemptio dubia habenda, in dubio autem judicandum videtur pro Episcopo, quia in Jure Communi fundatur, idèque pro indubitate illius Jus tenendum sit, donec Exemptio probetur: præterea discurrendum hic videtur de Judicio circa possessionem Exemptionis, ut de Judicio circa proprietatem ejusdem Exemptionis, quia possessione pendet è titulo, quo de proprietate judicatur: At manente dubio circa proprietatem Exemptionis, judicandum pro Episcopo, quia titulus illius certus est, Exemptorum vero titulus incertus, certus autem titulus incerto prævalere debet, videtur ergo, quod, manente eodem dubio circa Possessionem, Possessio adjudicanda sit Episcopo.

His non obstantibus, Dicendum, quod, si Exempti allegant Privilegium probabile cum Præscriptione 40. annorum, pendente lite circa validitatem Privilegij & circa Præscriptionem, adjudicanda est Possessio Exempti. C. 7. de Privileg. in VI. Ratio est, quia hujusmodi Privilegium causam justam præbeat præscribendi, & multo magis possidendi, cùm Præscriptio nihil aliud sit, quam fructus Possessionis colorat, pacifica, & non interrupta per tempus præsinitum. Insinuat hæc Ratio à BONIFACIO VIII. Autore citati Capitis. Si vero non allegetur Privilegium probabile cum Præscriptione Quadragesimæ; sed sola Præscriptio,

tio,

tio, videtur, quod tunc adjudicanda est Possessio ipsi Episcopo, quia Exemptorum Possessio non appareat colorata, deficiente titulo colorato, qui alius esse non potest, quam Privilegium probabile; Excipio Casum allegatae Praescriptionis memoriam Hominum exceditis, propter presumptiōem tituli perditi, cūm vix credere sit, Episcopos per hujusmodi tempus passos fuisse, ut Monachi vel Clerici sui pro Exemptis sese habuissent, non exhibito titulo.

QUESTIO XXI.

An Exemptiones, quibus totus Ordo Religiosus eximuntur à Jurisdictione Episcoporum, aut Monasterium à Jurisdictione Ordinarii, aut Capitulum, aut Episcopus à Jurisdictione Metropolitani, executioni mandari possint sine Litteris Regis Patentibus?

Quarendi causa: Exemptiones hujusmodi sunt Spirituales, Potestas verò Regia ad res Temporales restringitur.

Nihilominus Dicendum, has Litteras esse necessarias ad executionem Exemptionum memoriarum; idque, tūm quia Rex est Protector Canonum in Regno receptorum, & Exemptiones hujusmodi derogant his Canonibus, tūm quia eadem Exemptiones conceduntur Bullis Pontificis, quae in Regno executioni mandari non possunt, absque Litteris Regis, Tabulariis Parliamenti, in cuius Districtu exequenda sunt, insertis; tūm quia eadem Exemptiones nonnullam habent connexionem cum Administratione Civili, cūm soleant secum invehere Libertatem à quibusdam Juribus Temporalibus, ut parebit ex dicendis circa Exemptiones à Juribus Temporalibus.

Praterea discurrendum videtur de his Exemptionibus, sicut de Erectionibus novorum Episcopatum, aut Archiepiscopatum; dūm enim erigitur novus Episcopus, substrahitur Jurisdictioni aliquis Episcopi Regio aliqua, que sub Regimine novi Episcopi collocatur: in erectione verò Archiepiscopatus, substrahuntur plures Episcopatus Jurisdictioni cuiusdam Archiepiscopi, & sub Ditione alterius novi Archiepiscopatus collocantur: unde visuntur in his Erectionibus nonnullae Exemptiones similes illis, de quibus sermo est, cūm per istas nihil aliud fiat, quam substractio Jurisdictioni Ordinariae, & subjectio aliena. At Episcopatus vel Archiepiscopatus erigi non possunt absque Litteris Patentibus, si qui autem alias erecti videntur absque Litteris Patentibus, ut Archiepiscopatus Tolofanus, & Episcopatus nonnulli, qui sibi subjecti sunt, hoc factum est, quia existimatū justis de causis, eo casu sufficere consensum tacitum ipsius Regis; nunc autem propter rationes super adductas expressius semper exiguit, declaratus Litteris Patentibus, nedum in his Erectionibus, sed etiam in quibusvis Exemptionibus etiam Spiritualibus; qui usus jam Sæculo VII. vigebat. Hujus rei fidem facit Formula Prima & Secunda MARCULFI, qui eo Sæculo vixit, ut nota HIERONYMUS BIGNONIUS. Respicit Exemptionem Monasterii à quolibet Jure Temporali Episcopi circa Res Sacras, aut conficiendas, aut administrandas, aut distribuendas ab Episcopo, item Exemptionem à Juribus Episcopalibus Spiritualibus, que Monachorum quietem turbare possent, qualia Jura colloquendi Cathedram Episcopalem in Monasterio ad prædicandum, administrandi Sacra menta Confirmationis, vel Ordinis, faciendo solemniter Sacrum. Ecclesia Monachorum tunc erat interna, ut etiam nunc Ecclesia Carthusianorum & aliorum quorundam Religiosorum Solitariorum; non exterior, ut Ecclesia aliorum Regularium; ideoque non poterat Episcopus in illa Ecclesia solemniter obire Munia Pontificalia, concurrente Plebe Clericoque, quin tumultus in Monasterio fieret, turbaretur pax & tranquillitas Monasterii; qua ratio, cūm cetera erga illos Regulares, quorum Ecclesia est exterior, hinc factum, ut desierit hujusmodi Exemptione. Utraque Exemptione ab Episcopi Jurisdictione conceditur. In secunda Formula Rex confirmat utramque Exemptionem, additque Immunitatem à Juribus Regalibus.

Difficultas remanet solvenda, nempe, nūm Litteræ Patentes adeò sint necessaria ad executionem Exemptionis etiam Spiritualis, ut nulla futura sit, si illæ defuerint, & nulla fuerit alia, iisdem defientibus Litteris. Pars Prior nunc indubitate censetur, ita ut hand dubiè, si ab Executione hujusmodi Exemptionis appellaretur tanquam ab abusu, irrita declararetur.

Circà Posteriorem Partem, sunt qui distinguunt inter Exemptionem executioni mandatam absque Litteris Patentibus ab annis 30. & amplius, & illam, quæ executioni mandata est infra 30. annos; aestimante Secundo Casu nullam fore judicandam, non autem Primo. Hæc sententia initit Declarationi Regiae 1666. mense Decembri, que Erectiones Monasteriorum factas absque Litteris Patentibus ante 30. annos irritas non decernit, sed illas solas, quæ intrâ 30. annos factæ sunt: hæc autem Ratio non convincit, cūm ex cassatione Monasteriorum ante 30. annos erectorum sequantur incommoda, quæ in cassatione Exemptionis etiam antiquioris locum non habent; nam v.g. si Erectio Monasterii Monialium in Congregatione non postarum irrita decernatur, Moniales Professæ coguntur quandòque in Sæculo remanere, vel vim sibi inferre per totam vitam, si in alia Monasteria transferantur, circà quæ propenso non sunt animo, ex cassata verò antiquiore Exemptione, nullum nascitur incommodum.

Quidquid sit de hæc sententiâ, justus est credendi locus, antiquas Exemptiones non ob id solùm, quod executioni mandatae sunt sine Litteris Patentibus, nullas declaratas non iri, cūm nullâ Lege id prohiberetur, tunc enim non concedebantur, Episcopis invitis, THOMASS. Discipl. Part. IV. L. 1. C. 54. ideoque hujusmodi Litteræ necessariae non erant, cūm illarum necessitas cœperit ex recurso Ordinariorum ad Regem, ut ab iis arceret vexationes Exemptionum, ipsis repugnantibus, frequenter concessarum.

SECTIO II

Questiones circa Indicia certa incertavè Exemptionis.

QUESTIO I.

Eft-ne certum Argumentum Exemptionis alicujus Ecclesie, Capituli, vel Monasterii, si de iis in aliquâ Scripturâ dicat Papa, quod Exempta vel Libera sint, vel ad jus & proprietatem Ecclesie Romane pertineant?

Resp. Distinguendum; vel illa Scriptura continet Donationem libertatis seu exemptionis, aut Sententiam de eadē exemptione latam, vel neutrum continet. Si Primum, sufficienter hinc probatur exemptione; secundus, si Secundum. C. 10. De Privileg. in VI. hanc distinctionem insinuat.

QUESTIO II.

Jus ferendi Mitram, aliave Ornamenta Episcopalia, est - ne certum Indicium Libertatis?

Resp. Non; Quia jus illud concessum est non Exemptis, ut & Exemptis. C. 6. De Privil. in VI. præscribit Formam Mitrae, quæ uti possunt non Exempti.

QUESTIO III.

An inferri potest, Ecclesiam esse Exemptam ab Ordinarii Jurisdictione ex eo, quod non utatur Breviario Diocesano?

Resp. Non; Quia sunt Ecclesiae non Exempta, quæ alii habent Breviarium, quam Ecclesia Cathedralis; talis est Ecclesia Collegiata Roiensis Diocesis Ambianensis: in eo jure conservata est Senatusconsulto Parisiensi 1669. 30. Decemb. Non diffidendum tamen, eā in re, inesse aliquid Exemptionis, supposito quod Ecclesia illa cogi non possit ab Episcopo, ut Breviario Diocesano utatur, cū Jure Communi quilibet Ecclesia Episcopo subjiciatur quoad modum recitandi Divinum Officium; idque insinuat CONCIL. TRID. in Decreto de Observ. & evitand. Sess. XXII. quia supponit ad Episcopos pertinere, ea præscribere, quæ Divinum Culatum